



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Haymo-//nis Episcopi Hal-//berstattensis De
Chri//stianarum rerum memoria li-//bri decem**

Haimo <Halberstadensis>

Coloniae, 1531

VD16 H 224

Regnum Consta[n]tini & Maximi. Cap. II.

urn:nbn:de:hbz:466:1-29805

HAYMO DE CHRISTIA.

ignē deflueret, immobiliter perdurāt. Itaq; cum iam crudelitate satiatus imperator aliquantulū resipisceret, proponit edictum, vt iam Christiani morti non tradantur, sed dextris oculis ferro effossis, & sinistra pollice sauciata sic permaneant. Sed cum statum ecclesie crudeli animaduersione vastari illum æternum ac peruigilem non lateret oculum, castigata in paucis familia sua, adest cōtinuo vltix dei dextera in imperatores Diocletianū & Maximinū, quorum alter in occidente, alter in oriente vastauerat ecclesiam, ita vt nutu diuino subito permutati, deposita purpura, cæterisq; imperialibus ornāmētis plebeij fiant ac priuati post imperiū. Tunc ergo iam per vim & contentionē Romano imperio in duas procuraciones diuiso, Maximinus in orientis partibus regnat, vi rapiens nomen Augusti, Cōstantius in occidente. Hic Cōstantius erga nostros clementer agit, Sed & Maxentius Maximini Herculei filius, collegæ Diocletiani in vrbe Roma dominiū occupat, & exercet tyrannidē. Hic magicam secutus artem, totam Romam scelerū flagitiis & fece impuritatis replet, gloriam nobilium obscurat, senatores proscribit, matronis nobilibus abutiur.

REGNUM Constantij & Maximini.

Caput .II.

IN orientis vero atq; Aegypti partibus similis est ei per omnia Maximin^o, exutus principē, ravidū induit tyrannum, simulacra colit, auguria sectat, impurus cōiua & ebriosus, omīq; genere dissolutionū fluctuans, hostis maxime Christianorū & persecutor.

RERVM MEMO. LIB. VIII.

Quibus ignes, laminas, cruces, & singulis mēbris specialia infert supplicia. Igitur decem annis huius persecutionis deuolutis, adest iterum diuina prouidentia nostris, & quos per ignem probauerat, educit ad refrigerium. Nam diuina correptus ultione idem Maximinus, subito inflatus visceribus distēditur, putrefactisq; postmodum vulneribus vermes ebullit, fœtorēque intolerabilem exhalat.

H A Y M O.

Caput III.

RE diuinum quodāmodo per similem morbū habemus nunc Herodem. Ille quia Christum persequit, pubertenus inflatus scatet vermibus: & iste probroso eodem laborat exitu, quia psequitur Christianos. Actū siquidē pulchro diuine cōsiderationis intuitu, vt daretur intelligi, quāta sit capitis & mēbrorū connexio, quāta & quā in diuisa sit Chri charitas, zelus ad ecclesiā, dum eādē infert vindictam persecutoribus suorū, quam sui ipsius persecutori. Itaque cum iam desperaretur à medicis, sera ductus poenitentia Maximinus, legem scribit, vt cesset persecutio Christianorū, & redificentur ecclesie. Tunc velut sole terris reddito, relaxantur omnes vincti: & qui damnati erant per metalla, reuehuntur, instaurantur ecclesie, sacerdotia reparantur, stupentibus gentilibus turmis de tanta & tam subita rerum mutatione. Sed hanc pacem redditam nostris, Seuerus Maximinus præfati Maximini collega, in orientis partibus atq; Aegypto tyrannidem exercens, statim post sex menses perturbat. Rursum aduersus nostros persecutio